

Ohcejoga gielda

### VÁSTÁDUS ÁITESAVVONA SAJÁDATLÁVVANUPPÁSTUS, GOARTILA 3 HUKSENBÁIKKIT 5 JA 6, LÁVVAEVTTOHUSAS ADDOJUUVON CEALKÁMUŠŠII

Ohcejoga gielda lea bivdán Lappi ealáhus-, johtolat- ja birasguovddážiis (EJB-guovddáš) cealkámuša Áitesavvona sajádatlávvanuppástusa evttohusii.

Ohcejoga gielda ii leat bivdán láva válmmaštallanmateriálas cealkámuša Lappi EJB-guovddážiis.

Lávvaevttohus lea leamašan ovdal oaidnin láhkai 27.5.–30.6.2022, muhto cealkámušbivdda šluhttejuvvui 10.6.2022. Lea gulahuvvon, ahte lávva lea biddjon álgui 5.9.2022.

Cealkinláhkai leat sajádatlávvaevttohus oktan dan merkejumiiguin ja mearrádusaiguin (15.12.2021) ja dasa gullelaš lávvačilgehus (2023) ja 26.10.2022 beivejuvvon oassálastin- ja árvoštallanplána.

Čuovvovažžan lea čoahkkáigeassu cealkámušaid oainnuin ja nuppástus- dahje dievasmahttinevttohusain, nuppi ceakkoráđas fas lea vástáduš evttohusaide.

| Cealkámuš  | Vástáduš  |
|--|---|
| <p><b>Lappi ealáhus-, johtolat- ja birasguovddážiis (EJB -guovddáš)</b></p> <p><b>Váldegottálaš guovlluideavaheami mihttomearit</b><br/>Lappi EJB-oaidná, ahte lávvačilgehussii galgá dárkkistit váldegottálaš guovlluideavaheami mihttomeriid ja muitalit dárkilabbot, mo lávva ovddida daid</p> <p><b>Sajádatláva sisdoallogáibádusat ja váikkuhusaid árvoštallan</b></p> <p><u>Bodnečáhceguovlu ja divrras buolžaguovlu</u><br/>Lappi EJB-guovddáš gidde goittotge fuopmášumi dasa, ahte lávvačilgehusa siidduid 10 ja 11 kárttain lea ovdanbukton čáziváldinbáikki sajádat, mii lea bodnečáhceguovllus. Lappi EJB-guovddáš muittuha, ahte dán áigge čáziváldinbáikkiid sajádatdieđuid dulkojit gullat almmolašvuodálaga 24.1 § 7 čuoggá mielde diehtun, man galgá doallat suollemassan. Dán dihte čáziváldinbáikkiid sajádagaid ii galgga šat čájehit kárttain</p> <p>Lappi EJB-guovddáš gávnna, ahte lávvačilgehusa siiddus 16 ovdanbukton lávamearrádusaid mielde, go guovllus</p> | <p><b>Váldegottálaš guovlluideavaheami mihttomearit</b><br/>Dárkkistit lávvačilgehussii váldegottálaš guovlluideavaheami mihttomeriid ja muitalit dárkilabbot, mo lávva ovddida daid</p> <p><b>Sajádatláva sisdoallogáibádusat ja váikkuhusaid árvoštallan</b></p> <p><u>Bodnečáhceguovlu ja divrras buolžaguovlu</u><br/>Lávvačilgehussii gárvvistit ođđa kárttaid bodnečáhceguovllus čáziváldinbáikkiid haga.</p> <p>Lasihit divrras buolžaguovllu, mii lea lávvačilgehusas, mearrádusa maid lávvakárta oktavuhtii.</p> |

plánejit ja ollašuttit doaimmaid, de galgá seammás fuolahit, ahte divrras buolžaguovllu geologalaš ja duovddaárvvut dorvvastuvvojit. Lappi EJB-guovddáš gávnna, ahte mearrádus lea doarvai dorvvastit buolžaguovllu árvvuid. Dat gidde goittotge fuopmášumi dasa, ahte dát lávvamearrádus váilu lávvakártta oktavuodas ovdanbukton lávvamearrádusain. Lappi EJB-guovddáš dáhttu lasihit divrras buolžaguovllu guoskevaš mearrádusa maid lávvakártta oktavuhtii.

#### Luonddubiras

Lappi EJB-guovddáš gávnna, ahte lávvamateriálas eai boađe ovdan lávvaguovllu luonduárvvut. Dat leat goittotge lávvačilgehusa mielde čielggaduvvon luondučilggadusas jagi 2016.

#### Johtolat

Lappi EJB-guovddáš árvvoštallá, ahte lávvačilgehusas galgá gieđahallat geainnu ruodjaváikkhusaid ja dárbbu mielde addit mearrádusaid gáibiduvvon ruoja duostundoaimmain.

#### Doidásančázit

EJB-guovddáš gávnna, ahte lávvačilgehusas eai leat dárkilabbot válddahallon, mo gieđahallat doidásančáziid. Lávvačilgehusas eai maiddá leat ovdanbukton doidásančáziid guovlovárremat dahje lávvamearrádusat. Lávvačilgehusas lea máinnašuvvon, ahte "sajádatlávamearrádusain mearridit, ahte gáhttaplánema oktavuodas galgá dahkat maiddá doidásančáhceplána". Dát lávvamearrádus goittotge váilu lávvakártta oktavuodas ovdanbukton lávvamearrádusain. EJB-guovddáža oainnu mielde doidásančáziid gieđahallandieđuid galgá dievasmahttit lávvačilgehussii. Dárbbu mielde galgá maid addit lávvamearrádusa doidásančáziid gieđahallama várás. Sajádatlávva galgá sisttisoallat gáibádusaid doidásančáziid gieđahallama várás dakkár hámis, ahte lea sihkkarvuohta gieđahallama áššálaš ollašuttimis.

#### **Lávvamerkemat ja -mearrádusat**

#### Luonddubiras

Dievasmahttit lávvačilgehussii jagi 2016 dahkkon luondučilggadusa bohtosa lávvanuppástusa dáfus.

#### Johtolat

Lávvačilgehussii lasihit govvádusa geainnu johtolatmeriid birra ja árvvoštallat johtolaga ruodjaváikkhusaid.

#### Doidásančázit

Doidásančáziid gieđahallandieđuid dievasmahttit lávvačilgehussii. Lassin doidásančáziid gieđahallama guoskevaš lávvamearrádusa dievasmahttit lávvakártái

#### **Lávvamerkemat ja -mearrádusat** Dárkkistit ja dievasmahttit materiála.

Lappi EJB-guovddáš gávnaha, ahte lávvačilgehusa logus 5 ovdanbukton sajádatláva válddahallan ii vástit cealkámušmateriála lávvakárta iige dan merkejumiid ja mearrádusaid. Lappi EJB-guovddáš árvvoštallá, ahte materiála galgá dárkkistit ja dievasmahttit ovdal láva dohkkeheami.